

JUT

Pepa Jut inġere panzi kalo-tawana tamâta

Jut nde Yesu tai tonġe (Matai 13:55, Malaka 6:3), aku inġere ngua nġine panzi kalo-tawana tamâta ngu pinde. Jut isama tu kinzi pananâġa tamâta lanġeġa pinde nde sikai wurâta kaika nana siyaula kinzi tamâta nenzi kalo-tawana, kala inġere ngua kaika ileleanzi tamâta nġinde. Kinzi lanġeġa tamâta nġinde uru siveta mâsi sakamao, ku sipanananzi kalo-tawana tamâta nana soka mulinzi. Jut itula pwataki tu Maro Kindeni ne wisi-nâna ikeno panzi tamâta nġinde, aku muli nġa kinzi ma sikai parenġania sakamao.

¹ Naġa Jut, naġa nde Yesu Kirisi ne wurâta tamâta, aku Yamesi tai kala naġani. Naġa anġere ngua lâ pepa nġine tini imâ pa miki tamâta nġinde Maro Kindeni muġġani isarawami lâ. Kinda Tamânda Maro Kindeni ilo ndo keno pami, aku Yesu Kirisi tamwata uru ikatona miki sondo ndo. ² Maro Kindeni ne kalo-sukâġa wa wisi-pisi wa tini-mwasa wa ipânġa nġalae lâ ilomi kalomi.

Pâri ara ne kazâġa tamâta nde simâ sipânġa lâ kinzi kalo-tawana tamâta nġu nġininzi

³ Niġġu-nambwe wukale, nia ndoyo naġa ilonġu pateu tu ma anġere ngua lâ pepa tini nana kinda râranġi nenda kalo-tawana kâ. Aku naġa aluku lâ nana anġere ngua nġinde lâ pepa tini ku ao imâ pami. Andeta kala nġine naġa ilonġu pateu tu naġa

ma aŋgere ŋgua kaŋa tonje lâ pepa tini imâ walele nâ pami. Naŋa ilonju tu apu tini kaika pami, ŋana miki ma kamandi kaika ŋana katingi pâri ara ne kazâŋa tamâta nenzi ŋgua kê. Singani, Maro Kindeni kalo-tawana ndainani nâ ilua i ne tamâta kinda. Aku tamâta tonje ikura ŋana ilele kalotawana ŋinde ipâŋga kie tonje, ande tia. ⁴ Tamâta pinde nde sipavea nâ ku sipâŋga simo lâ kalotawana tamâta ŋgu ŋgininzi. Nia ndoyo, Maro Kindeni ipa ŋgua tu i ma ipare nia panzi tamâta sakamao ŋinde. Kinzi uru silele ŋgua ŋana Maro Kindeni ne wisi-wisi kê ipâŋga kie tonje, ŋinenŋa siporo ŋgua laŋeŋa tu Maro Kindeni isâu panzi ŋana sipalulua tininzi potomule kê. Kinzi tamâta ŋinde sipu mulinzi pa nenda Maro Ŋalae Yesu Kirisi, ina simbo nâ imo koipu ŋalae.

⁵ Mungani Maro Ŋalae iyautenzi Isrel ŋgu piti lâ Isip tâno, aku ivetanzi simo ara nâ. Andeta muli ŋga, ande izavarunzi Isrel tamâta ŋinde kalonzi tawana i tia. Miki kasama ŋinde lâ, andeta naŋa atu apanjo ilomi kalomi tu miki ma kalomi ŋgere kilo ŋana mâsi ŋinde kê. ⁶ Aku ara ŋana miki ma kalomi ŋgere ŋananzi aŋelo tona, kinzi ŋinde muŋga silaŋa sipole Maro Kindeni ne tukuŋa ku sipile nianzi. Ŋana nenzi vetâŋa ŋinde kê, ande Maro Kindeni ipanzi lâ wâlo kaika ku ionzi silâ mbââ ilo. Kinzi ma simo mine lâ nia kondoma ŋaŋa ndo ku simo nâ. Kinzi nde sindamwa Maro Kindeni ne zo ŋalae, aku lâ zo ŋinde i ma ipare nia sondu panzi. ⁷ Aku ara ŋana miki ma kalomi ŋgere ŋananzi tamâta muŋga simo lâ Sodom lawea wa Gomora lawea wa lawea pinde keno nia ŋinde tona. Tamâta ŋinde uru siveta mâsi potomule kie

taituni, itogo kinzi aņelo sakamao ņinde muņga siveta mine. Kinzi sipaveta kuku m̄asi sakamao ndo, aku sipalulua warakanzi tininzi potomule ndo. Opopo, kinzi tam̄ane sipalulua tininzi kunzi tam̄ane! Mine kala Maro Kindeni isupwa ȳāa kaika ņana izavarunzi k̄a, aku m̄asi ņinde itula pwataki tu kinzi tam̄ata mine ma muli simo ȳāa ņalae ne mb̄āa ilo ikura zo r̄ar̄ani. Maro Kindeni ilo tu kinda ma kalonda ņgere ņana vet̄aņa ņinde r̄ar̄ani, aku taņgeņge ņana m̄asi potomule ņinde.

⁸ Andeta kala ņine tam̄ata pinde sim̄a sip̄aņa l̄a, kala simo l̄a kalo-tawana tam̄ata ņgu ņgininzi. Kinzi tam̄ata ņinde uru sipaveta kuku vet̄aņa sakamao ndainani n̄a. Kinzi nenzi mbupuleņa kie-kie uru ipaņo ilonzi kalonzi, kala sitambira karaenzi il̄a tu siveta m̄asi sakamao ndo, aku ņinde iveta muso ņalae panzi. Kinzi tininzi pw̄aka tu Maro Kindeni ma ikai maro panzi, aku siporo ņgua pavaliginja panzi samba ne aņelo. ⁹ Taitu kinzi aņelo uru siporo ņgua soki mine il̄a pa nenzi kaz̄aņa tam̄ata, ande tia. Muņgani, l̄a zo ņinde aņelo nenzi koipu Maikel ipawa ņgua kuku Sadana ņana Mose karae k̄a tu ma ea ikai, ande Maikel imege n̄a. Mine kala i ņandai isowe ņgua soki tonje l̄a Sadana tini ņga. Iporo mine tu, “Maro ņalae ma ipare nia pa noko!”. ¹⁰ Aņga tam̄ata ņinde uru siporo ņgua soki il̄a pa kelekele ndia r̄ar̄ani siziz̄ala ņana ņinde. Kinzi sip̄aņa sitogonzi ņgoa ņgoi mine, nenzi ilo-kalo tia ndo. Mine kala kinzi uru siveta vet̄aņa ndia warakanzi ilonzi papa ņinde. Aku nenzi vet̄aņa ņinde ma izavaru warakanzi ndo l̄a.

¹¹ Opopo, m̄asi sakamao ndo ma ip̄aņa panzi tam̄ata ņinde! Kinzi sipaveta kuku Adam natu

Kein ne vetâņa. Kinzi ilonzi tu sikai mbaliņa nâ. Mine kala sitambira warakanzi silâ ņana siveta vetâņa potomule ņinde ņgua-tulâņa tamâta lanęņa Balam muņa iveta. Aku kinzi taņanzi kaika pa Maro Kindeni, itogo Kora muņa taņa kaika mine. ņana nenzi vetâņa ņinde kâ, ande Maro Kindeni ma izavarunzi ndo lâ.

¹² Lâ zo ņana miki kalo-tawana tamâta kapasau kamâ taitu ņana kaka kâņa-nuņa kâ, ande kinzi tamâta sakamao ņinde uru sika kumi, aku ņinde iyaula nemi kâņa-nuņa ņinde. Kinzi mainzi tia ndo, kala uru sika wa sinu ņalae tina. Kinzi ilonzi keno pa warakanzi nâ. Tamâta ņinde sitogo take-take iyoka kaa nâ, karâzi tia, aku lawea itapala ilâ wa imâ wa. Aku kinzi sitogo kâi tonęe, i ne zo ņana ipula kanaņo kâ ipâņa lâ, andeta ipula kanaņo tonęe tia, kala itogo kâi ņinde imâte lâ. Kâi mine ma duvi mburuņa kâki lâ, kala ma imâte ndo lâ.

¹³ Tamâta ņinde uru siveta vetâņa potomule kiekie lâ tamâta naonzi. Mine kala kinzi sitogo tâi isuka kâki imbware ku iņele toa, aku nenzi vetâņa potomule ņinde ipâņa nia yo, itogo tâi imbwa ku ne maka ipâņa tâi kulu mine. Aku kinzi simo sitogonzi pitu pinde lâ samba tini uru sikai nenzi nzâla sondo tia. Mine kala Maro Kindeni ipatea nia kondoma ņaņa ndo panzi, ņana ma silâ simo nia ņinde ku simo nâ.

¹⁴ Muņgani, ņgua-tulâņa tamâta Enoko, ina ipâņa lâ Adam ne vâsa ņgu, ande itula ņgua pwataki ņana vetâņa ņine ma muli ipâņa panzi tamâta sakamao ņinde kâ. Iporo mine tu, “Maro ņalae ma iyoka tavanzi ne aņelo kambwanęenzi ņalae tina simâ.

¹⁵ Maro ņalae ma imâ ņana ionzi tamâta rârâni

silâ pa i ne ŋgua nia, ŋana ma ipare nia panzi kâ. I ma ipare nia panzi tamâta rârâni ŋinde muŋga sipu mulinzi papa i, ŋana vetâŋa soki rârâni siveta ŋinde. Aku i ma ipare nia mine nâ panzi kiesaka tamwatanzi ŋana ŋgua pavaligiŋa rârâni muŋga siporo papa i.” Enoke itula ŋgua mine. ¹⁶ Tamâta ŋinde uru wisinzi nâna ŋana vetâŋa ndia ipâŋga panzi, aku siporo ŋgua soki-soki ŋananzi tamâta rârâni. Kinzi sipaveta kuku vetâŋa potomule ndia ilonzi papa ŋinde. Kinzi kawanzi kâki sipandekâna warakanzi nâ, aku situ ŋgua mâru-mâru panzi tamâta ŋana sitapa nenzi mbaliŋa saŋenzi.

Ara ŋana kinda nenda kalo-tawana ma ikeno kaika nâ

¹⁷ Niŋgu-nambwe wukale, ara ŋana miki ma kalomi ŋgere kilo ŋana ŋgua rârâni nenda Maro Njalae Yesu Kirisi ne pâri-tamâta muŋga situla pami ŋinde. ¹⁸ Kinzi sipaimi tu, “Muli ŋga, lâ zo ŋana tâno ne zo laiti ŋana marumbu kâ, ande tamâta pinde ma simâ sipâŋga, ku ma siporo ŋgua pavaligiŋa pami. Kinzi ma taŋanzi kaika pa Maro Kindeni, ku ma sipaveta kuku vetâŋa potomule ndia warakanzi ilonzi papa ŋinde.” ¹⁹ Tamâta ŋinde uru sipu kinzi kalo-tawana tamâta ŋgu simo pwapwataki. Kinzi nenzi ilo-kalo potomule nâ ikai poe kaika pa nenzi vetâŋa, aku Koroani Sapâŋa ŋandai imo ilonzi ŋga.

²⁰ Anŋa miki, niŋgu-nambwe wukale, ara ŋana nemi kalo-tawana ma ipâŋga kaika ndo lâ ilomi kalomi. Miki nemi kalo-tawana ŋinde nde imo sapâŋa lâ Maro Kindeni nao. Aku lâ zo ndia miki kakai nonŋa, ande ara ŋana Koroani Sapâŋa ne walo

ma ikai poe pa nemi noŋa ŋinde. ²¹ Maro Kindeni ilo ndo keno pami. Mine kala miki ma kapatâpa warakami piti lâ i ne tini-mwasa ŋinde ilo ndimo. Aku muli ŋga nenda Maro Ŋalae Yesu Kirisi, ina kalo-sukâŋa warika, ma via mao ilami, ma kamo ara mine ku kamo nâ. Ara ŋana miki ma kamo kao tinimi nâ ŋana zo ŋinde i ma iveta mine pami.

²² Tamâta pinde nenzi kalo-tawana ikeno kaika tia. Ara ŋana miki ma kalomi sukâŋa ŋananzi tamâta ŋinde. ²³ Anŋa tamâta pinde, ande itogo kinzi simo yââ ŋalae ne mela-mela tini laiti. Ara ŋana miki ma walele nâ kakainzi piti kilo ku katula nzâla ara panzi. Anŋa tamâta pinde nde sipaveta kuku ilo-kalo sakamao ne vetâŋa muso. Ara ŋana miki ma kalomi sukâŋa ŋananzi tamâta ŋinde tona. Andeta kapakatona sondo, aku kamo malawae ndo ŋana nenzi vetâŋa potomule ŋinde kâ. Tia ma vetâŋa ŋinde iveta muso ipâŋga lâ miki ilomi kalomi tona.

Kinda ma tapanea Maro Kindeni tasuka i ŋa kâki

²⁴ Maro Kindeni ikura tu ikatona miki sondo nâ, ŋana nemi kalo-tawana ma imbe tia kâ. Ikura tu ikaimi kalâ tava ilomi mbâra-mbâra ndo kamandi i tamwata nao, aku miki ma kamo tava ndekâŋa ŋalae tina. ²⁵ Ara ŋana kinda ma tapanea nenda Maro Kindeni, ina kala nenda Yautâŋa Tamwata taituni. Ŋana nenda Maro Ŋalae Yesu Kirisi ne ara kâ, ande kinda takura tu tapanea Maro Kindeni tasuka i ŋa kâki, ŋana tu i nde nenda koipu ŋalae. Ina Walo Tamwata, aku ikura tu iveta vetâŋa rârâni. I imo ikai maro pa kelekele rârâni. Nia ndoyo, lâ zo ŋinde i ŋandai ipulia tâno ipâŋga ŋga,

ande i imo mine, kala zo ŋine uru imo mine nâ, aku
i ma imo mine ikura zo muli-muli ku imo nâ. Mao.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f